

李文忠公奏稿

李文忠公奏稿

卷之六十六目錄

海防練軍請銷摺

光緒十五年八月初五日

袁保齡請卹片

光緒十五年八月初五日

宋慶請假片

光緒十五年八月二十三日

近省隄河工費片

光緒十五年九月二十五日  
附清單

海防捐變通條例摺

光緒十五年十月十五日  
附清單

宋軍長夫仍准支銷片

光緒十五年十月十五日

擬辦山陝商綫片

光緒十五年十一月初二日

覆奏部駁海防經費摺

光緒十五年十一月初七日

洋息請撥藥釐片

光緒十五年十一月初七日

請展蘆岸停引摺

光緒十五年十一月初七日

覆陳察哈爾牧廠參案摺

光緒十五年十一月十七日

三廳墾荒升科摺

光緒十五年十二月初三日

淮軍報銷摺

光緒十五年十二月初三日

軍需交涉洋務片

光緒十五年十二月初三日

淮軍礮船報銷片

光緒十五年十二月初三日

籌款修理鎮海兵輪片

光緒十五年十二月初三日

捐解豫賑片

光緒十五年十二月初三日

覆奏各軍營規摺

光緒十五年十二月十八日

宋慶銷假片

光緒十五年十二月十八日

機器局報銷摺

光緒十五年十二月十八日

李文忠公奏稿卷六十六

全集一之六十六

桐城吳汝綸編錄

海防練軍請銷摺

光緒十五年八月初五日

奏為查明天津海防練軍光緒十四年分收支各款照章造冊請  
銷恭摺仰祈

聖鑒事竊據天津文應局司道詳稱津郡練軍及大沽葛沽北塘  
海口各礮臺防營並雲字營馬隊營務處小隊應需餉項向由津  
海關六成洋稅招商局稅洋藥釐捐東海關協餉長蘆鹽斤復價  
正雜課各項下隨時籌撥摺節支放業將光緒十三年以前收支  
款目疊次奏咨准銷在案查東海關六成洋稅前因湊付神機營  
原借洋息難以協撥津軍月餉暫於天津釐金項下挪墊已彙開  
清單咨部至應支餉乾薪公等項並大沽等口礮臺經費以及設

局辦公租賃民房添置帳棚旗幟號往采以製造軍火器械悉照  
奏定章程歷年准銷成案核實文放茲造具光緒十四年分收支  
細數清冊詳請

奏咨前來臣遂加覆核自光緒十四年正月起到年底止舊管存  
銀二萬六千四百九十六兩零新收各款並本案扣收平餘銀三  
十七萬八千七百二十四兩零開除支款悉照定章毫無浮濫應  
歸戶部核銷銀三十四萬三千一百二十六兩零工部核銷銀三  
萬四千八百十三兩零合共銷銀三十七萬七千九百三十九兩  
零應存銀二萬七千二百八十一兩零已支發十五年分餉項列  
入下屆接造報至奉部核准歷年墊支不敷銀二萬一千一百  
七十八兩零仍於冊內列報應俟另案核辦後再行開除所有光  
緒十四年天津海防練軍收支餉銀請銷緣由除清冊咨部外理

合恭摺具

奏伏乞

皇上聖鑒敕部核銷謹

奏

袁保齡請卹片

光緒十五年八月初五日

再二品頂戴直隸候補道袁保齡河南項城縣舉人幼承其父袁  
甲三其兄袁保恆之訓勵志勤學旋在軍中襄事諳習戎機歷任  
內閣中書侍讀熟悉掌故博通經濟光緒七年以主事佐理需  
才奏調來津委辦海防營務八年朝鮮內亂派師往援該員贊畫  
軍謀勦中肯綮是年卽派赴奉天旅順口辦理工防該口爲渤海  
咽喉非洋水師屯駐之所必須挖濬淺灘展寬口門創建船塢添  
造庫廠儲備糧餉軍火分築礮臺控制洋面百事創始極形艱難  
該員力任煩勞疊與提督宋慶、丁汝昌、臬司周馥道員劉含芳等  
察看妥籌次第興作其築攔潮壩一役於冰雪風霧中晝夜搶修  
始獲平穩九年法越開衅海防戒嚴旅順口僅成黃金山礮臺一  
座該員跋山涉海勘地督工不數月而東西兩岸大小七臺屹然

並峙聲勢稍壯敵艦竟未敢北窺十年冬又值朝鮮之變其時電報未通津沽封凍消息閒阻凡駐朝淮軍餉械及派往水師各船賴該員籌助接濟俾得迅赴事機十二年閒醇親王親臨閱視會以旅防布置合宜該員等尤爲得力奏奉

懿旨從優議敘在案惟該口遠處海濱瘴溼甚重寒苦異常該員經營數年遂成脾瀉中風等證茲於本年七月二十日病故身後蕭條實堪憫惜據宋慶等呈請奏卹前來臣查袁保齡世受國恩竭忠圖報學問具有根柢識力亦甚堅卓洵足幹濟時艱不期積勞過久受病過深年未五旬齎志以歿旅順口工程防務該員出力爲多其功實未可混合無仰懇

天恩敕部將二品頂戴候補道袁保齡照軍營立功後積勞病故例從優議卹並准卹祀袁甲三專祠爲以死勤事者勸理合附片



陳請伏乞

聖鑒訓示謹

奏

宋慶請假片

光緒十五年八月二十三日

再據統領毅軍四川提督宋慶文稱從戎三十餘年積受潮溼致成足疾同治八年西征駐防陝西之神木澤證復發益以怔忡曾經請假兩月在營調理時軍務正緊未俟全愈力疾銷假是以病根未除光緒六年調防旅順口日在海風山霧之中觸動舊疾時發時止又增偏墜之證每值秋冬更覺加重十二年九月間曾經呈請代奏蒙

恩賞假今歲甫交秋令百病叢生醫云年已七十病非一朝難以藥餌見功必須靜心調養伏思海疆雖尚靜謐而防務不容鬆懈何敢堅請息肩擬請援案代奏懇

恩賞假在營調理其操防事宜責成分統營官記名提督宋得勝瓊州鎮總兵姜桂題勤慎照料如遇緊要事機仍自行辦理一俟

病稍痊可卽當銷假等情前來臣查宋慶天性樸勇屢殲巨寇勦勞最深年屆七旬精力猶健惟從前積受風溼久成痼疾觸寒卽發支持累年自以受

國厚恩未敢以衰疾引退忠盡之志老而彌篤良可敬憫其分統將領宋得勝姜桂題久從征役深明紀律威信素孚平日責令認真操防有事仍歸宋慶調度緩急不致貽誤擬懇

天恩賞假三箇月在營調理以示體恤理合附片具陳伏乞

聖鑒訓示謹  
奏

近省隄河工費片

光緒十五年九月二十五日

再附近省城河道隄工或工段縣長或地居險要皆關民生利害必須認真修防前經奏定每年於清河道庫河淤地租墜船祓夫生息項下撥銀三千兩爲各工采購料物搶修之用免其造冊報銷經工部覆准仍令工竣時開單奏報嗣因地租生息不敷動支奏准於藩庫旗租項下湊撥在案光緒十五年開凍後卽飭照數撥給購備橋料伏秋各河盛漲險工疊出均經該道督率卽委分投設法搶護一律竣事據署清河道朱福榮會同藩臬兩司將工段丈尺動用銀數遵照定章詳報前來除民夫土方等項仍歸民辦外所有搶修橋料用款復核無異理合開具簡明清單附片具陳伏乞

聖鑒敕部知照謹

奏

奏稿六十六

下

謹將光緒十五年附近省城隄河各工歲搶修工段丈尺動  
用銀數開具簡明清單恭呈

御覽

計開

一大清河各隄險工開段共合工長四百六十丈搶修椿料其用  
銀四百三十七兩

一千里隄並趙王河各隄險工開段共合工長九百二十四丈搶  
修椿料其用銀九百八十一兩七錢五分

一瀦龍河隄險工開段共合工長一千三百四十丈搶修椿料其  
用銀一千三百九十五兩七錢四分四釐

一大清河趙村大壩邊埽壑陷共合工長二十六丈五尺搶修椿  
料其用銀二百七十五兩三錢六分一釐五毫

以上各工共用銀三千零八十九兩八錢五分五釐五毫除  
領銀三千兩全數支用外計不敷銀八十九兩八錢五分五  
釐五毫已據照數籌補

海防捐變通條例摺

光緒十五年十月十五日

奏爲海軍衙門奏准展開海防捐尙須按照鄭工條例量爲變通方可以收實效而濟要需仰祈

聖鑒事竊海軍衙門遵議通籌鐵路全局摺內請將鄭工捐一年限滿仍改爲海防捐再展一年以備海防船礮等需及撥償津沽鐵路前借洋款之用一切收捐條款銓補章程悉照鄭工事例辦理等因業經奏蒙

諭旨允准欽遵知照到臣等應聽候部議開辦惟查近來捐事已成彣末卽以直隸而論自光緒十年冬開辦海防捐三年之內共收銀二百十餘萬兩嗣改鄭工捐迄今已將兩年僅收銀四十餘萬兩近且每月不過數千兩至千餘兩不等直省如此推之部庫及各省情形大略相同細求其故實緣鄭工與海防捐兩途捐納



人員各項擁擠選補無期以致觀望不前今若悉照鄭工事例不  
稍示區別以資鼓勵恐捐生無可希冀仍難踴躍是有展捐之虛  
名毫無收捐之實濟再四籌思惟有細加斟酌將收捐條款與銓  
補章程量爲變通收數較有把握不特前借津沽鐵路洋款可以  
按數抵償卽續有添置海防船礮等項用款亦得藉資挹注當此  
物力艱難計臣籌畫度支求其不病商累民而於財用可稍裨者  
舍捐輸幾無良策然當一再開捐之後勸辦亦非昔比臣爲海防  
籌備要款起見既知捐務頗未不敢以會奏在先安於緘默謹擬  
應改捐章並選法十條繕單恭呈  
御覽是否有當伏乞

皇上聖鑒

敕下吏戶部核覆通行遵辦謹

奏

謹將酌擬海防新例捐章並選法十條繕單恭呈

御覽

一前海防例捐實官捐數照籌餉例銀百兩統以八成實銀報捐如捐海防先海防卽花樣亦以八成實銀如捐分缺先分缺開本班儘先花樣照例銀減二成遞減四成每百兩例銀捐實銀四十八兩後開鄭工例捐實官每例銀百兩以六成實銀報捐如捐遇缺先花樣照八成實銀如捐分先分開本班先等花樣均以六成實銀今展開海防新例擬請照鄭工例銀數量爲變通將鄭工遇缺先一項改爲海防新例遇缺先凡捐此項實官花樣自雙月起至雙單月止均照八成實銀其遇缺先花樣按照十成實銀外補之員分發捐省均按八成實銀免試用一項照遇缺先十成實銀將分先分開本班儘先各花樣改爲海防新例分先分開本班儘

先凡捐此項實官花樣自雙月起至雙單月止均照六成實銀其  
分先分開本班先等花樣均按八成實銀仍照部定鄭工例壓班  
章程以新壓舊將銓補章程量爲更改捐數方能起色而且報捐  
花樣一項必須酌加二成實銀庶以新壓舊可以折服舊例捐生  
無所藉口亦仍係昔年戶部捐餉局大八成辦法並非例外加例  
致紊捐章

一查前開鄭工例銓補章程以五缺爲一輪第一輪選鄭工遇缺  
先兩人再選海防先一人海防卽一人各項一人第二輪選鄭工  
遇缺先兩人再選海防先一人舊例遇缺先一人如遇缺先無人  
用舊例遇缺一人各項一人以十缺爲一週今既展開海防新例  
應擬酌改爲第一輪先選海防新例遇缺先二人再選鄭工遇缺  
先一人次選舊例海防先一人各項一人第二輪選海防新例遇

缺先二人再選鄭工遇缺先一人海防卽一人各項一人如舊例  
海防先無人以海防卽抵海防卽無人以海防先抵再無人以舊  
例遇缺先抵舊例遇缺先無人以舊例遇缺抵再無人虛積過班  
一查前開鄭工例銓補章程凡捐分缺先分缺開本班儘先花樣  
各項應輪到班時先用鄭工例分先分開本班先一人再輪用海  
防例分先分開本班先一人今既改海防新例銓補章程凡應輪  
分先分開本班先等到班時應先用海防新例分先分開本班先  
一人接用鄭工例分先分開本班先一人再用海防新例分先分  
開本班先一人後接用海防舊例分先分開等一人如此新例相  
間輪用銓補既速庶足以資鼓勵

一查開鄭工例時凡海防例所捐均須加成過入新例如海防例  
捐實官者加三成過入鄭工例自雙月三班均加三成例銀凡捐

海防先海防卽及分缺先分缺開本班先等花樣均加四成過入  
鄭工例今既改海防新例應將鄭工例及海防舊例所捐實官自  
雙月起至三班等項仍照鄭工例均加三成過入海防新例如鄭  
工遇缺先及海防先海防卽等項加捐海防新例遇缺先者應仍  
照酌加四成實銀捐過班方准歸入海防新例遇缺先用如從前  
海防例已捐過鄭工例今再捐過海防新例宜稍爲區別擬請實  
官自雙月起酌加一成各項花樣亦酌加二成均按海防新例捐  
實官花樣銀數分別核收卽在過入新例以示體恤  
一查鄭工例捐分缺先分缺開本班儘先等項均係六成實銀前  
海防例捐分先分開本班先花樣係減二成遞減四成今若統照  
加四成捐過新例未昭公允擬請如鄭工例捐分先分開等花樣  
准照四成過班如前海防遞減例所捐分先分開等項應先將遞

減之數照六成實銀例補足後再照新例加四成過入海防新例方准作為新例分先分閱本班先等項序補

一從前籌餉例推廣各條內附生准予加成報捐教職嗣後停止只在增生報捐照廩生捐例於雙月上加三成例銀核收現擬仍請推廣辦理在附生援例報捐教職查附生與增生相去僅止一聞增既可捐附生亦似可仿辦但例銀須稍示區別應請由附貢報捐訓導雙單月均照例定廩貢報捐雙月銀數酌加五成例銀核收方准以復設訓導分別選用如此與增生報捐銀數已大相懸殊於新捐亦不無裨益

一舊例人員捐離改指請毋庸報捐過班查捐離改指本無礙於班次且到彼省後應斷前資以此次到省之日作為到省日期仍歸原班序補若必令過班則限於力量不足擬請嗣後舊例人員

捐離改指僅令交分指離三層銀兩毋庸報捐過班到省後仍按  
原例原班序補

一查鄭工例凡前籌餉例所捐各項實官均作抵二成以八成例  
銀核計今開海防新例仍可照舊辦理惟查部章籌餉例所捐實  
官如捐過鄭工例自本職雙月起逐層補足方准作為鄭工例所  
捐之實官惟改指降捐一條漏未將如何補足成數核收未免稍  
有歧異如籌餉例捐府經縣丞兩項查府經縣丞由貢監生捐雙  
月例銀均七百二兩若前捐府經雙月改捐鄭工例應自雙月起  
照例銀作抵二成逐層補足方准歸鄭工例雙月府經儘改捐縣  
丞則照改捐例如雙月例銀相同作為改捐之官雙月只加捐三  
班即可為鄭工例之不論雙單月縣丞計其捐雙月銀數內已便  
宜八成過班矣此猶其小也儘改捐降捐之官如籌餉例之雙月



同知今降捐鄭工例知縣查同知雙月例銀四千九百十四兩知縣雙月例銀三千三百三十兩照章可作爲知縣雙月備加三班捐鄭工遇缺先用雖同知雙月例銀數浮於知縣雙月銀數然辦餉例所捐大相懸殊則雙月例銀內已便宜實銀一千數百兩矣以此類推未免畸輕畸重今欲改開海防新例應請部中酌核將轉餉例所捐實官如改捐降捐歸入新例應如何核計雙月銀數之多寡加成過班以杜取巧而重捐章其餘各條均可悉照鄭工部章且改捐條款繁多餘應聽候吏戶部核復辦理

一封典升銜及貢監生各項鄭工例以五成實銀報捐無奈各省賑捐林立近來鄭工捐所收此三項竟無過而問者現展開海防新例擬請將封典升銜貢監生三項再行核減一成統以四成實銀報捐如捐應試監生仍以十成實銀上兌則此三項尙可兼收

不致盡爲賑捐所佔亦可稍廣招徠

一捐翎枝一項鄭工例四品以下捐花翎實銀一千兩捐藍翎實銀五百兩迨後部文改收錢捐核減一成外省錢捐收解不易迄未開辦而報捐翎枝初次尙有捐者近則殊屬寥寥究以銀數過鉅不無棘手查翎枝一項究屬虛榮似與實職官階稍有區別現展開海防新例擬請將翎枝一項照錢捐之數再減二成統以銀數核收凡四品以下捐花翎應實銀七百兩藍翎減半庶措款略易或可多收翎枝不無小補各省賑捐一經限滿卽應停止不准再行續請以杜減折攬收之弊

以上所擬各條雖與鄭工捐納人員似稍阻礙然以目前而論鄭工名次掣籤在後者已無選期得此加成過班凡力量有餘者轉可希冀出路而且五缺一輪鄭工仍有佔缺地步

當此舊例停止後無積班亦易疏通是尙不致與鄧工人員  
大有窒礙合併聲明

宋軍長夫仍准支銷片

光緒十五年十月十五日

再據統領毅軍四川提督宋慶文稱河南奏准後第五案支過毅軍用款造冊報銷一案經戶部核覆令將毅軍馬步各營長夫自光緒十三年十一月初一日起至年底止其支過五十九日口糧銀三千八十六兩八錢八分按照奏案一律刪除等語臣查戶部前因豫省河工用款緊急奏裁各省防營長大業經臣會同兩江督臣曾國荃覆奏湘淮各軍步隊長夫每營暫裁六十名摺內聲明毅軍步隊每營僅長夫一百名馬隊每營僅長夫六十名爲數本少該軍遠駐海外之旅順口同辦工操均屬勞苦既未逾奏定仍留一百二十名之數應與零星哨隊一律無庸再裁光緒十三年十一月二十九日奉

批旨著照所請該部知道欽此由部行知在案是毅軍長夫早已

邀

恩免裁經部復准今豫省十三年分報銷戶部駁飭提還核與原奏不符自係漏查前案況旅順口爲渤海門戶關繫甚重該軍越境久戍操防勤苦聲威遠播所需糧料子藥均須遠道搬運實非內地防營可比若遽令裁減殊無以作士氣合無仰懇

天恩俯准敕部將毅軍各營長夫欽遵前奉

俞旨准予免裁所有豫省造報該軍十三年冬季長夫口糧一款仍照案准其支銷以示體恤而昭公允謹附片具陳伏乞

聖鑒訓示謹

奏

擬辦山陝商綫片

光緒十五年十一月初二日

再陝甘督臣楊昌濬議設陝甘兩省電綫業經奏奉

諭旨允准在案竊維中國電報創造未及十年現已東至東三省

南至山東河南江蘇浙閩兩廣緣江而上至皖鄂入川黔以達雲

南之極邊東與桂邊相接腹地旁推交通幾於無省不有卽隔海

之臺灣屬國之朝鮮亦皆徧設其造綫養綫修綫等費官商互籌

酌量調劑久稱利便惟西北一隅闕而未備楊昌濬擬設陝甘電

綫將來更可由嘉峪關接至新疆則東西萬里一律靈通於地方

要務邊防大局均有裨益飭據總辦電報登萊青道盛宣懷稟稱

關隴電綫若由汴接往尙關山西一省現與華商籌議由保定電

局接至太原由涇州渡河至西安作爲商綫擬由公司籌款西安

至嘉峪關作爲官綫擬由陝甘籌款等情臣查陝甘電綫改由直

隸山西以達西安劃歸商辦官款既節省千里費用之繁而晉省並收消息靈通之利洵屬一舉兩得已飭盛宣懷派員勘路購料並咨明山西陝西撫臣轉行經過所屬地方文武一體照料保護據稱山陝商綫年內即可開工俟造至西安後仍將官綫責成一手經辦約計明年秋冬可冀造成除西安以西擬辦官綫勘路籌款情形已由楊昌濬會同具奏外所有擬辦西安以東商綫緣由理合會同山西撫臣豫山陝西撫臣張煦附片具陳伏乞

聖鑒敕部查照謹

奏

覆奏部駁海防經費摺

光緒十五年十一月初七日

奏爲光緒十一十二兩年北洋海防經費報銷案內戶部駁刪各款現經逐一查覆仍請照銷恭摺仰祈

聖鑒事竊准戶部核覆光緒十一十二兩年北洋海防經費報銷一案內有駁刪各款當飭支應局司道查覆核辦茲據該司道詳稱武備學堂添雇幼學生使役十名戶部以前送單內酌定學生五名公用使役一名添設學生四十名應用使役八名刪除二名當以前次酌定學生五名公用使役一名係指原設之大學生而言此次添設幼學生年皆十四五歲以下童蒙無知事事需人照料與大學生之能自操作者情形不同礙難核刪等情聲復仍請照准復奉戶部以前送單內並未分晰年歲大小何以此次又以學生年幼爲詞仍令刪除等因茲計刪銀五十九兩查天津創設



學堂及開支經費先後奏咨各案均聲明該學堂學生係由各營挑選弁兵送堂肄業將來尙須添募良家年幼子弟以宏造就添募幼生疊經奏咨有案並非奉部駁查始以年幼爲詞旣係幼生其童蒙無知需人照料與大學生之能自操作者不同自屬實在情形今必欲使之與大學生一律而強其力之所不能似亦非幼及人幼之道且幼學生四名公用使役一名尙覺不敷分布斷難再減所有飭刪銀五十九兩應仍請照數准銷又旅順口水陸軍械局管理帳冊二員前奉戶部以檢查水師各營均無此項名目行令刪除當以水陸各營軍械或重價購置或鉅款造成均係新式精利之件往往有一物須裝配零件數十百種方能使用收發之際非詳記冊籍無從稽考非專司其事無所責成管理帳冊與水師統領隨帶員弁內稽查兼管後路收核餉冊名目相仿職

事相同等情聲復仍請照准復奉戶部以水師統領隨帶員弁內  
收核餉冊一員月支銀十二兩此次管理帳冊二員每員月支銀  
十六兩殊與所撥之案自相矛盾應照水師統領隨帶員弁准用  
一員月支銀十二兩等因茲計刪銀一百七十兩九錢九分九釐  
九毫查水師統領隨帶員弁內收核餉冊係稽查委員兼辦該委  
員本有薪水銀二十四兩兼辦餉冊另加十二兩實共月支銀三  
十六兩今該局帳冊二員每員僅月支銀十六兩核與所撥之案  
尙不及半實有減省並無矛盾且該局所派司事月支銀十二兩  
業經奉部准銷委員責任較重費用較繁自不能與司事相等至  
原派二員係因收發水陸兩項軍械稍有舛錯貽誤匪輕必須分  
任方能有條不紊若僅用一員斷難兼顧所有飭刪銀一百七十  
兩九錢九分九釐九毫應仍請照數准銷又水師學堂用費前於

十一十二兩年分立案冊內開報第三第四兩屆考試駕駛管輪各學生月支養贍及添募管理魚雷機器匠鐵匠泥模匠等月支辛工各銀兩疊奉戶部駁查當以該學生等自光緒九年酌仿船政成案將考取各生量給贍銀復隨時校試按等酌加業於覆奏九十兩年案內奉

旨准銷此次月支贍銀仍按考列等次照章核給其添雇魚雷機器匠等係因管輪學生增課修定魚雷技藝不能不酌添精巧工匠俾資練習亦屢經奏明在先各等情聲復仍請照准復奉戶部以統計該學堂用費月支銀二千二百餘兩擬自十一年起月以二千兩爲准數此案多支銀兩卽行照刪等因茲計刪銀二千七百五兩查該學堂內額設監督教習學生及各項員司書役夫匠人等月支薪水辛工飯食公費等銀係自光緒七年起歷奉准銷

照案接支之款其學生月支贍銀係自九年起歷奉准銷照章加  
支之款其添雇魚雷機器匠等係因學生添習新式技藝而設且  
於奏復七八兩年銷案內業經預先陳明應歸入該年造報並於  
光緒十一及十三等年奉海軍衙門暨戶部先後查取北洋海防  
經費月支各款又將該學堂隨時增減數目彙造清冊送核是皆  
有案可稽無款不實今戶部復以二千兩爲定數其月支在二千  
兩以內者照數核銷二千兩以外者照數核刪並未指定所刪何  
款固已深知無款可刪然戶部可以籠統議減該局不能不縷晰  
覆陳除每月照案接支之薪水辛工飯食公費銀一千七百二十  
六兩歷奉准銷毋庸再議外其添雇魚雷機器匠等係因魚雷爲  
海上攻戰利器北洋既設有魚雷大艇中艇及鐵甲鋼快等船隨  
帶魚雷小艇該管輪學生等應兼備雷艇管輪之選凡魚雷裝卸

修定各藝在在均關緊要無一不宜預爲講求該堂雖原有管輪  
應用機匠然魚雷爲專門之學非另募不能應手且理法之奧工  
作之繁需用巧匠甚夥以應習各藝學生非一蹴可幾工匠亦未  
同時並募相時酌增不致糜費此次甫經試習是以僱雇三名其  
月支銀二十七兩已屬節省辦法斷難刪減連原支薪工飯費等  
銀共月需一千七百五十餘兩按部定二千兩之數僅餘二百數  
十兩爲兩堂一百二十名學生贍銀萬萬不敷分給水師人材以  
駕駛管輪兩項最關緊要以其職責將領凡算學輿地步天測海  
御風布陣以及帆纜鎗礮雷電輪機等事無一不宜通曉非豫爲  
儲育倉猝無從招致是以考選聰穎子弟及品質樸實能安心學  
習者循序指授以冀拔十得五備異日海上禦侮之川但該學生  
等到堂肄業五年之內不准請假五年畢業之後尙須派上練船

操出風濤之險火器帆檣等事無在不履危機非迫於貧窶孰肯  
爲此且其中尙有來自遠方者使無以利之更何能致之是以自  
光緒九年開經該學堂按照船政成案詳奉核定贍銀章程凡考  
取各生列二等者月給贍銀四兩列三等者月給贍銀三兩由三  
等考拔二等及二等考拔一等者均月加贍銀一兩由一等考拔  
優等者月加贍銀五錢取列優等以後須按該學堂季課積次併  
計其三次考列原等前六名再月加贍銀五錢加至十兩爲止以  
示限制而期鼓勵自有此項贍銀該學生等各致其心思巧力爭  
相奮勉月異而歲不同曾於十一年及十四年間先後挑出學生  
六十餘名派上練船學習內十一年所挑三十名已陸續充補鐵  
甲快砲等船駕駛管輪各額缺並有派令出洋肄業近皆學成回  
華均堪得用業已派充教習酌給薪水藉資觀感此亦平日作養

之明證也若按部定月支之數僅二百餘兩作為贍銀計其所得甚微匪特日後無以招徠即在堂諸生恐亦將茫然思退當今海軍規模初定需材正亟方將設法擴充加意培植以免臨時缺乏豈可轉惜小費致棄前功是學生月支贍銀亦係斷難刪減並請嗣後按年考試即照定章支給免再駁查徒煩案牘所有飭刪銀二千七百五兩應仍請照數准銷以上共應請准銷銀二千八百八十一兩九錢九分九釐九毫等情具詳前來臣查戶部核覆光緒元年至六年洋員支款案內聲稱本部核銷各項總以例章奏案為憑惟北洋所覆各節亦係實在情形以前用過各款應由該大臣自行奏明辦理當將元年至六年北洋海防報銷經部駁查各款逐一據實登覆奏請准銷奉旨著照所請戶部知道欽此並將七八九十等年報銷經部駁查

各款先後撥案奏請在銷均奉

俞允各在案今十一十二兩年報銷事同一律且均係力求撙節

實用實報並無例章可循仍懇

天恩敕下戶部照數准銷以清案款理合恭摺據實復陳伏乞

皇上聖鑒訓示謹

奏



洋息請撥藥釐片

光緒十五年十一月初七日

再津海關奉派攤還神機營借用洋款前經奏明擬撥洋藥釐金暫行按期歸付息銀並聲明藥釐項下如尙不敷只可在洋稅連招商局稅內竭力搜索湊付免誤期限儻以後洋藥改章或進口箱數過少再隨時察核辦理奉

旨允准欽遵轉行遵辦在案茲據津海關道劉汝翼詳稱近年藥釐收數逐漸減少自一百十四結起至一百十六結期滿止計三結共收銀九萬二千七百餘兩現在一百十七結尙未屆滿約計可徵銀三萬餘兩統計四結不過十二萬之譜除部准每年留支銀七萬三千餘兩並一分二釐火耗外僅餘銀四萬餘兩近年鎊價日漲洋息之數愈增每年應付四期洋息已需銀九萬兩上下核計不敷甚多是以第四年第二第四兩期及第五年第一期洋

息除洋藥釐金並土藥釐一併動撥外已於六成洋稅項下借撥銀四萬一千四百餘兩本年十二月第五年第二期洋息又將屆限關庫別無款項可挪仍須借撥洋稅統計本年其需借動六成洋稅銀六萬四千兩惟六成洋稅亦止此數除提八分經費並招商二成出使經費等款外本年自一百十四結至一百十六結實收銀十九萬二百八十餘兩將來一百十七結屆滿連一百十三結實存之五萬六千餘兩約其不過三十一萬兩左右內應照案撥解支應局海防練兵餉銀二十二萬兩稅務司經費銀四萬八千兩皆係必不可少下餘之款原擬批解本年加放俸餉及應行帶解各款乃因歸還洋息緊要驟然借撥六萬餘兩本屆加放俸餉現雖竭力騰挪能否全數湊解實無把握其應行帶解舊欠抵閩京餉東北邊防經費已成無米之炊因思藥釐一項收數

漸絀總因銷路日滯是以來路日微恐明年所收更不及今年之數而洋息到期即須應付十七年以後又應兼還本銀歲需二十餘萬兩加以增漲錢價爲數更鉅收數愈少出款愈多若不先事預籌儻來年仍借用六成洋稅不特款目日多糾葛且洋稅本無盈餘勢必無款可借既借之後又苦於無款提還從前因洋息無款可湊曾在二成招商稅項下暫行動撥旋准部覆以係解部專款不准擅行動用然就現在而論每年應付息銀所短不貲即使部中准撥招商二成尙恐不敷抵補再四思維惟有將洋藥釐金一項擬請自一百十八結起除奉准留支外儘數撥作洋息不敷之數即請由部指定專款先期請領存庫俾得按時湊撥付給以免失信而維大局等情請奏前來臣擬加查核確係實情理合附片陳明伏乞

聖鑒敕部迅速核議施行謹  
奏

請展蘆岸停引摺

光緒十五年十一月初七日

奏爲蘆綱各岸滯銷原停引目實難復額請照原案推展五年以恤商艱而保現課恭摺仰祈

聖鑒事竊照長蘆所屬直豫兩省引岸前於道光二十四年停引十萬道嗣後疊經

奏准推展五年光緒九年十二年部議僅展三年至十五年底限滿經臣飭司預籌復額事宜旋據署鹽運使胡燏棻詳稱蘆課關係餉需現值時艱帑絀但能加增一引即多一分入款斷不敢稍涉因循惟直豫各岸災歉頻仍鄭州決口以後小民蕩析離居情形更非昔比以致銷數益滯且額設引目本多除提繳減停外尙有現行六十六萬餘道從前併引加斤鹽包節次增重道光二十八年清查案內每引又加鹽一百五十斤其應交課款亦自一兩

二錢遞增至二兩數錢於是商累曰甚難疊經運司竭力整頓查禁夾帶偷漏飭各州縣認真緝私嚴辦梟匪並由臣派撥練軍分駐協捕但民間日食有定餘鹽無處融銷是以光緒十三年僅出庫引六十二萬四千餘道十四年僅出庫引六十萬二千餘道本年秋關將竣僅出庫引五十五萬二千餘道不特未敷現行六十六萬餘道之數且十四年出引較十三年尤爲減少其出庫之引亦不能一律銷竣現查庫存歷年積引至五十八萬七千餘道舊引既難疏通新引何從增益況各商每屆尙須包賠庫存積引之課若遽行復額再令包賠十萬道課帑商力難支勢必參懸相繼無裨實事有礙大局據綱商楊俊元等懇情稟懇推展該司詳加體察確係實情若僅展三年爲期太迫請照原案再行推展五年俟限滿察看核辦等情具詳請奏前來臣查蘆綱現行引六十六

萬餘道疊經設法疏銷每年仍積滯數萬道未能如數領運其勢  
實難再加然核計鹽包斤數及交納課帑銀數則較原額有增無  
減於公家尙無所損頻年災歉銷數益滯商力極艱該署司胡炳  
棊謂遽議復額無裨實事有礙大局確係實情相應仰懇  
天恩俯准將原停引十萬道自光緒十六年起仍照原案推展五  
年以恤商艱而保現課仍督飭運司認真設法整頓冀積引逐漸  
疏通庶於課餉商情兩無窒礙理合恭摺具陳伏乞  
皇上聖鑒訓示謹  
奏

覆陳察哈爾牧廠參案摺

光緒十五年十一月十七日

奏爲查明察哈爾牧羣一案恭摺詳晰覆陳仰祈

聖鑒事竊臣欽奉光緒十五年十月初六日

寄諭前據李鴻章覆奏張家口管理牧羣主事文鑑被參各款當  
經降旨將文鑑革職永不敘用並諭令托倫布將該處牧政實力  
整理茲有人奏該都統並不驅逐文鑑出境輒爲置買田產多方  
慰留並將原告鄂尼巴圖等解任訛辦勒令出具誣控甘結現聞  
此案非刑致命者已有二人蒙古被冤各家相約京控該都統密  
計阻留復帶圖押荒地價招民墾種牧廠以致廠地日窄等語著  
李鴻章按照所參各節確切查明據實具奏等因欽此旋奉十月  
二十一日

寄諭前有人奏察哈爾都統托倫布查辦鄂尼巴圖等控案勒令



出具誣控甘結並有非刑斃命等情當經諭令李鴻章確查具奏  
現據托倫布奏訊明牛羊羣控案分別奏參一摺所稱查明各節  
是否屬實並所擬鄂尼巴圖等罪名處分是否允協著李鴻章一  
併詳晰確查據實具奏原摺著鈔給閱看欽此當以調補天津府  
知府鄒振岳歷任宣化府縣熟悉口外情形前曾密查此案仍飭  
前往詳細查明據實稟覆茲據鄒振岳稟稱遵卽不動聲色設法  
訪查如原參並不驅逐文鑑出境一節查得文鑑現仍住張家口  
上堡尙無都統多方慰留爲之置買田產實據原參此案非刑致  
命已有二人一節查案內委固山達色普沁札普在押病重於九  
月十三日昇回本營身故又案內之牧長布彥巴達爾呼於九月  
二十二日在押病故訪無刑訊情形原參被害各蒙古赴京控懇  
都統密遣要阻不令赴京一節查有鄂尼巴圖巴特瑪桑窄達米

林札普色博克札普四家婦女赴京控愬未悉都統如何阻止原  
參都統結納蒙古劣員圖普新巴雅爾及其子薩炳阿爲腹心倚  
仗喇什巴拉攬瑪哈巴咱爾爲爪牙既誣鄂尼巴圖等爲情詞各  
執解任訊辦卽以圖普新巴雅爾薩炳阿等署理各缺一節查副  
總管鄂尼巴圖撤任後署其缺者爲洛什多爾計卽係圖普新巴  
雅爾之戚喇什巴拉攬之子旋又委護軍校薩炳阿署副總管卽  
係圖普新巴雅爾之子委固山達巴特瑪桑宰撤任後署其缺者  
爲瑪哈巴咱爾亦係圖普新巴雅爾之戚是圖普新巴雅爾雖無  
署缺之事而署缺者皆爲圖普新巴雅爾及喇什巴拉攬之姻戚  
子弟物議不爲無因至原參該都統希圖押荒地價並不禁止反  
招民墾種致使廠地日窄一節查自咸豐年間戶部行文令各王  
公將空闲馬廠盡數報效各王公自行招商佃墾遂至侵蝕佔越

牧地日窄光緒五年始由直隸派員清釐竭三年之力丈出熟地九千餘頃並於事竣奏明開墾有礙於游牧永遠禁止實與現任都統毫不相涉惟近來訪聞毗連張家口廳之四村地西界一帶又有圖充商人勾通蒙員兼向都統衙門辦出文書朦朧私招佃墾約有三四千頃之多原參所指或卽此項地畝自宜卽時清釐以杜私墾而重游牧至該都統查辦牛羊羣控案各節亦皆反覆推求查明虛實如原奏鄂尼巴圖等控總管岡普新巴雅爾於經緯圖內圖加存留數目一節查存留與孳生名目二者截然不可混淆存留爲舊管之所餘孳生乃新收之所得岡普新巴雅爾等申明加數之條自係循照舊章鄂尼巴圖等謬執加數之誤實屬強詞狡辯原奏謂鄂尼巴圖爲糊塗誠無可解實則兩造所爭數目多寡均爲紙上空談而確訪羊羣的數初無所謂贏餘卽就原

額而論亦須將存羊最多之達里岡與各羣牽算或可及十分之六七此經緯圖內增添數目之實在情形也原奏鄂尼巴圖等控圖普新巴雅爾收取賀禮一節查蒙古風俗素喜往來牲畜餽遺固所不免惟圖普新巴雅爾常慶賀時出具知單實僚齊集對眾將升任封典所費開列傳觀授意資助計其所得不菲此等惡習陋規原奏但諉爲風俗常事竊恐狡升木以後貪婪者皆可藉爲口實殊非杜漸防微之道至已革主事文鑑以贓私被譴而原奏猶極力爲之洗刷不惟顯違

明旨且其前後詞意自相矛盾有不可勝言者查文鑑詐贓確有實據乃捏爲菜蔬價銀向章每羣四兩五錢文鑑遞加二兩夫以牛羊二百六十羣計算則每羣四兩五錢應得銀一千一百七十兩每羣六兩五錢應得銀一千六百九十兩何種菜蔬如此昂貴

其自相矛盾者一也且既捏爲榮蔬銀價矣何以又引道光十一年奏定章程委員藉端滋擾准本羣官卽時稟報嚴參夫責鄂尼巴圖不能先事勸阻卽時稟報自屬罪有應得惟查光緒十二年牛羊羣正總管係已故之達米林札普副總管卽圖普新巴雅爾委固山達乃鄂尼巴圖其正總管已故不論副總管不勸阻不稟報未嘗見責而獨責一委固山達乎謂副總管之不知則形同瞶瞶謂知而不發則弊在欺蒙其自相矛盾者二也況原奏鄂尼巴圖等控光緒十二年文鑑查羣時有圖普新巴雅爾陰令黨類勒取眾兵據圖普新巴雅爾覆稱委員查羣係徑赴各羣密查非會同總管副總管各等語訪聞文鑑查羣時卽住圖普新巴雅爾之家且旣曰密查矣則必易服改裝單身獨騎牧羣不知其事並不知有其人豈有調集弁兵刁難勒索眾目共睹眾耳其聞而可云

密查且輒稱與道光十一年奏案相符其自相矛盾者三也若鄂  
尼巴圖等所控固山達巴楊額色爾格委固山達巴特瑪桑宰均  
係牛羣牽入羊羣與六十三人先後進口在口居住七十餘日一  
節原奏剖析甚明確係鄂尼巴圖等砌詞核與所查無異總之此  
案鄂尼巴圖挺身健訟意涉挾私革職原不爲過然其所控有虛  
有實勢難坐以全誣圖普新巴雅爾悉心除弊跡似因公末減豈  
曰非宜然其所訴亦有虛有實豈可概行輕信而況鄂尼巴圖等  
原告爲一造圖普新巴雅爾等被告爲一造被告獲罪者止文鑑  
一人原告坐誣竟有六十餘人其中脅從出名扶同列狀者不少  
今欲一網打盡謂非爲文鑑報復而何訪聞托倫布於滿蒙漢文  
不甚通曉遇有奏稿均係左中佐領廣吉圖爲之秉筆畫策以致  
迴護欺蒙弊端百出眾怨沸騰伏思牧政之弊至今日而極然同

一、整頓而緩急之間得失迥殊，非一年官非一任重重剝削，上下交征，緩之則休養生息，冀可漸復其初；急之則橫決紛更，竊懼無益反害其整頓之法。尤在得人而理，但責足羣勿輕查羣，能去一分騷擾，即增一分寧息。原奏人心之巧詐，由於苛斂牧務之減色，起自艱窘，誠爲探本之論。各等語詳晰密稟前來，臣查察哈爾與直隸接壤，每遇宣化文武各員來津謁見，不時詢訪情形，久已得其大概。本年五月間，聞陳牧羣參案方冀托倫布蒙恩保全力圖後效，不意方員廢吉圖等挾私播弄，致托倫布爲其欺蒙重煩。

宸慮現經密查詳確，鄒振岳旋即來津，臣面加考核，曲直瞭然。此案廢吉圖因該都統心地長厚，輒敢於控案覆奏時顛倒是非，舞文洩忿，實屬荒謬，不得因原參不及置之不議，應請

旨將左中佐領展吉圖卽行革職以儆官邪圖普新巴雅爾及其子薩炳阿與喇什巴拉攬瑪哈巴咱爾等雖無爲該都統結納倚仗確據惟瑪哈巴咱爾及喇什巴拉攬圖普新巴雅爾之子適署此案撤遣各缺顯涉朋比不知遠嫌應請

旨將牛羊羣總管圖普新巴雅爾固山達喇什巴拉攬瑪哈巴咱爾護軍校薩炳阿四員交部議處其托倫布訛明控案所參各員鄂尼巴圖挺身健訟與達米林札普巴特瑪桑窄色博克札普三員隨同京控亦有應得之咎惟所控尙非全虛業經奉

旨先行革職已足儆事應請免科重罪其請分別斥革之護軍校哈勒津等五十六員名雖附列上控而情有可原原奏負氣株連多人殊欠平允應請無庸置議至鄒振岳查出之張家口廳界私墾地畝應請



旨由臣會同察哈爾都統設法清釐分別辦理以期耕牧無妨旗民交便所有遵

旨查明緣由理合恭摺由驛據實陳伏乞

皇上聖鑒訓示施行謹

奏

三廳墾荒升科摺

光緒十五年十二月初三日

奏爲口外三廳續墾官荒廠地查明照章升科並交押荒銀兩恭摺仰祈

聖鑒事竊查口外張理獨石多倫三廳各旗報墾官荒馬廠地畝前於光緒六年間經臣酌擬章程奏明調派升任口北道奎斌前往各廳督同印委各員逐加勘丈循照部議剔除商人改歸官辦並預請部照於丈清領地隨時填給每畝交押荒銀二錢按其已未成熟分年升科每畝完糧銀一分四釐遇閏每兩加徵銀三分正銀每兩加耗銀五分獨石口多倫兩廳地畝每畝另徵地主私租銀四釐張理廳所屬地土瘠薄收穫無多免徵私租所收糧銀撥充天津海防練軍月餉押荒銀兩除開支經費外撥作直隸察哈爾邊防軍餉等項之用已將查辦完竣情形於八年二月間專

摺具

奏在案嗣因該三廳官荒廢地除已墾外其未墾之地尙多雖間有呈報續墾爲數無幾均經隨時咨部此外荒區因數年來雨水調勻雪霜晚降貧民陸續開墾又多成熟之地必須復加勘辦以裕

國課而杜爭端當經檄飭口北道分飭各廳照案認真勘丈妥辦不准稍有隱飾旋准戶部咨據宗室溥斌呈稱該宗室坐落多倫諾爾廠地奏明官爲開墾升科撥出私租未蒙傳領呈請飭催其原文內開現在開墾僅一百餘頃該宗室自同治年間招商開墾至光緒四年已有成熟地五百餘頃今又年久開墾之地周圍約百餘里均未報明升科查馬廠地非止一處應卽遴派大員查明實在墾熟堪以升科者照章辦理如有私徵從嚴參辦等因經

臣飭派候補道李樹棠前往會同口北道督飭各廳並添派委員認真詳確查辦不得稍涉含糊仰節嗣李樹棠未及查竣丁艱又派宣化府知府鄒振岳就近馳赴各廳會同接續詳細勘辦茲據口北道吉順轉據鄒振岳等稟稱查得張理廳續墾板深圖新河口興和城白廟子灘臺子溝蘇魯克花臺壩雲頭壩蘇吉梁並四村計十處其地二百一頃十二畝又蘇魯克地內之賽爾臺哈達哈哨臺蘇吉梁地內之漢諾爾臺奎騰臺該四臺上次報墾時曾將每臺四面留地數十頃未墾嗣臺兵勾引附近居民私墾圖利分收漸至愈墾愈多今已全無餘地亦不允給分收地既無主遂互相爭奪屢釀械鬪巨案自應及時一併勘辦以免爭端卽經咨明察哈爾都統派委廉幹旗員會同妥細查勘該處均係無礙游牧每臺仍留地七八頃免其升科以爲蒙兵接送文報之資並由

張理廳給予印照以防侵佔其餘盡數勘丈歸入此次續墾計四  
臺其地九十五頃九十六畝又查得獨石口廳續墾口袋營雙井  
洲小廠腦包山石頭城西胡同烏克廟計七處其地一百三十五  
頃五十畝又查得多倫廳宗室溥斌南北兩牌廠地除上次原墾  
一百五十八頃十一畝零外計另有熟地三百六頃四十三畝零  
鄒振岳係前隨奎斌查辦之員勘明此地實係上次查辦後近年  
續行開墾該宗室在部呈稱光緒四年已有成熟地五百餘頃並  
無其事如果當時已有如許熟地何不並未丈入卽今將原續墾  
地畝一併計算亦僅及四百六十餘頃查該兩牌南北計長一百  
二十餘里東西寬四十餘里該宗室稱地周圍百餘里尙非無因  
惟鄒振岳徧行周歷兩牌內有山嶺沙磧佔去十分之三水灘城  
灘佔去十分之一又中有阿克敦親王牧廠及溥斌當年施入彙

宗善因二寺香火地留賞收丁地及近北界因無水不能開墾地  
又佔去十之一二計實在可墾之地不足十分之五從前放給商  
人墾種本不過五分之一因檢查各戶繳到商人原給佃照所  
領皆是荒廢其大小或稱幾段或稱幾頃係屬約計放給原未丈  
清頃畝所填四至無不逾於原墾之界亦無一墾熟地鄰近光緒  
七年別商歸官逐細勘丈墾熟之地實止一百五十餘頃此次丈  
明續墾三百餘頃此外仍多未墾之地應俟再有續墾另行勘辦  
密查各該廳並無以熟作荒私徵肥己情弊該宗室應得歷年私  
租銀兩該廳均存庫候領嗣奉部咨以宗室赴廳領取殊多窒礙  
行令解部傳領業經飭令照辦統計三廳此次共查出續墾地七  
百三十九頃一畝零均出口北道將上次餘存部照一律填給各  
地戶收執每畝收押租銀二錢共收銀一萬四千七百八十兩零

應完地糧以光緒十五年起仍照定章徵收惟張理廳屬寶爾臺等四臺計地九十五頃九十六畝地土較好今既歸入官墾應於正糧外每畝加徵水草銀一分二釐由該臺員弁赴張理廳具領以資津貼至地主私租一項獨石多倫兩廳向係每畝徵銀四釐應仍照徵張理廳前因地土瘠薄免徵私租今因墾熟多年土性稍好擬每畝按減半徵私租銀二釐由廳發給地主具領如查無地主即與正糧一併解充防餉不准影射侵挪至各廳徵解此項糧銀應需傾鎔火耗解費上次定章未經議及該廳等不免賠累若不明定章程示以限制難保不日久弊生擬請將地畝較少之獨石多倫兩廳每畝准予加收銀二釐一毫張理廳地畝較多每畝准加收銀一釐八毫均作為傾鎔火耗解費之用以示體恤而免流弊此次勘辦荒地閱時年餘之久承辦委員書役薪水工食

盤費房租等項撙節動支其用銀一千四百六十兩仍照案在於  
押荒項下開支此外各段荒廠尙有可墾之處應由各該廳隨時  
招佃實力勸墾以盡地利而裕餉需等情具稟前來臣查口外張  
理獨石多倫三廳續墾官荒廠地現據該印委各員周歷勘逐  
一清丈計三廳其得續墾地七百三十九頃有奇已由口北道將  
餘存部照填給收執其收押荒銀一萬四千七百八十兩零除開  
支經費銀一千四百六十兩其餘銀一萬三千三百二十兩零已  
據解交海防支應局兌收候撥應完續墾糧銀自光緒十五年爲  
始每年計可收正銀一千餘兩仍照案撥充天津海防練軍月餉  
其另徵錢爾臺等四臺水草銀兩由廳徵歸該臺員具領應徵地  
主私租一項獨石多倫兩廳仍按每畝四釐張理廳本無私租因  
墾熟以來地土稍好擬每畝減半徵銀二釐均給地主收領如查



無地主卽與正糧一併解充防餉此外糧地較少之獨石多倫兩  
廳每畝加徵銀二釐一毫張理廳糧地較多每畝加徵銀一釐八  
毫以爲傾鎔火耗解費等項之用不准額外稍有私徵以示限制  
而杜流弊應准照擬辦理除飭將未墾荒廠山該三廳隨時照章  
招佃認真勸墾並將填給部照清冊同截存照根暨升科冊結咨  
部查照外所有口外三廳續墾官荒廠地查明照章升科並交押  
荒銀兩緣由理合恭摺具陳伏乞

皇上聖鑒訓示謹

奏

淮軍報銷摺

光緒十五年十二月初三日

奏爲光緒十四年分淮軍收支款目列爲第十七案造冊報銷繕單恭摺仰祈

聖鑒事竊照淮軍收支款目業經截至光緒十三年十二月底止列爲第十六案報銷於光緒十四年十一月二十七日具奏奉

旨該部知道單併發欽此並經造冊送部接在部覆按冊核銷在案伏查淮軍分駐直隸沿海各口要區並奉天之旅順口大連灣等處計護衛親兵仁盛銘楚護軍親慶馬步水師其四十九營又前由湖北調直武毅二營奏明自十四年正月改由淮餉支銷仍同水陸各哨棚併護運餉械弁勇統歸淮軍案內造冊彙總請銷今自光緒十四年正月截至是年十二月底止列爲第十七案所有統領營哨官弁員名勇夫開收總數駐防處所先經造冊

分咨軍機處暨戶兵工部備查又將支給正雜款項增裁數目遵照新章每三箇月開報一次咨送各部查核其淮軍馬步水師各營並隨營辦事支應等差文武官弁親兵勇夫薪費口糧倒補馬匹柴薪車價駝騾喂養卹賞水陸轉運價腳夫工采辦製造用款油艚船隻經費正雜各項均循前案楚軍營制與奏定章程在銷例案分別截清起止概按湘平折實庫平接續造報飭據淮軍報銷局司道逐款清釐查核計舊管銀八十五萬二千三百七兩有奇新收銀二百四十二萬六千九百八十二兩三錢有奇登除及附銷銀四十一萬九千一百九十兩有奇開除正雜等項遵照部議酌定軍需報銷章程各歸各部核銷計應歸戶部核銷銀一百八十二萬五千八十九兩九錢有奇應歸兵部核銷銀三萬七百十二兩八錢有奇應歸工部核銷銀七萬一千一百十八兩有奇

統共請銷銀一百九十二萬六千九百二十兩九錢有奇應截存銀九十三萬三千一百七十八兩五錢有奇已接支光緒十五年正月以後准軍馬步水師營哨正雜餉項並購製中外軍火器械工價預儲軍米等項動放無存歸於後案舊管項下滾接造報等情具詳請

奏前來臣查准軍各營分駐直隸天津大沽北塘蘆臺至山海關沿海一帶並奉天之旅順大連灣各海口修築新式礮臺擇要扼守仿照西洋兵法練習後膛鎗礮水雷魚雷各用法講求制勝機宜內衛

京畿門戶外控藩屬鄰邦俾北洋海疆千餘里有事得資援應尙稱緩急可恃餉項乃計口授食之需關繫至重厯屆報銷案內截存銀兩皆係設法節縮並將月餉酌量緩欠原以近畿海防重大

軍情瞬息無定不得不稍留餘地藉備急需現計欠餉至一百六十萬五千七百五十餘兩若將截存銀兩儘數抵補不敷已巨況次年各軍食米須先期發價赴南省購運方不致臨時缺誤向在截存項下酌撥近因各省關額解淮餉逐漸短少往往收不敷支竭蹶情形日甚一日遂至截存銀兩動放無存惟有隨時諄催各省關實力籌解冀免遇事束手所有造報十四年正雜款項均係循照歷屆准銷成案撙節支發實用實銷並無絲毫浮冒除分造細冊咨送各部核銷並將以後川款接續造報外理合專摺具奏並繕簡明清單恭呈

御覽伏乞

皇上聖鑒謹

奏

軍需交涉洋務片

光緒十五年十二月初三日

再准軍各營洋鎗礮隊水雷教習人等辛工礮費輪船薪糧並購置外洋船械器具煙煤各價值運解礮火輪船水腳及天津行營機器製造局委員人等新糧公費工匠工食料物購價等項多與洋人交涉均屬無例可循至操練後膛洋礮拉礮車馬喂養夫工係照奏定章程例補馬匹例價分別核實支給業將截至光緒十三年十二月底止用款附片

奏銷在案伏查此次造報光緒十四年正月起截至是年十二月底止第十七案內前項各款遵照新章將增裁支用數目彙入季報清冊先後咨部立案茲據該司道等按款復加查核係照案接續支給並奉文飭發均無浮冒遵飭各歸各部核銷計應歸戶部核銷教習人等新糧公費匠工拉礮馱運車馬喂養等銀十萬二

千二十五兩三錢有奇應歸兵部核銷輪船薪糧夫工船價運腳保險費倒補馬價等銀二萬八千六百三十一兩四錢有奇應歸工部核銷油飾小修礮費購置外洋船械器具料物價值等銀六萬八千三百九十一兩八錢有奇共計請銷銀十九萬九千四十八兩六錢有奇照案分晰另造支銷細冊詳請附

奏前來臣查前項各營洋鎗礮隊教習通事工匠人等辛工購買物料洋軍火價值運腳各款多與洋人交涉無例可循仍應查照歷屆成案據實請銷除將細冊咨送總理衙門戶兵工部核銷外伏乞

聖鑒謹附片具

奏

淮軍礮船報銷片

光緒十五年十二月初三日

再准軍春字水師礮船十隻按原造年月扣至光緒十四年春閒已逾照章修理期限前經飭撥經費修整業將動用各款數目列入季冊咨部立案茲據該司道等復加查核與定章及准給銀數均屬無浮計應歸工部核銷銀七百七十一兩九錢有奇專案造具支銷細冊詳請附

奏前來臣查前項修理船隻用款係照定章核實支給並無浮冒自應專案據實請銷除將細冊分咨戶工部核銷外理合附片具陳伏乞

聖鑒謹

奏



籌款修理鎮海兵輪片

光緒十五年十二月初三日

再津海關之鎮海兵輪船前由閩廠調津隨同北洋海軍各船周  
巡操防並爲沿海各防營轉運餉械終年往來海上螭苔侵蝕最  
易損壞前經部議每屆四年准修一次每次准支銀五千兩因拘  
於年限銀數未能及時大修經水陸營務處臬司周馥道員劉含  
芳等以該船鍋鑪煙管及船身龍骨均已損壞若再惜費遷延一  
旦失事關繫匪輕應卽拆卸大修酌量改造以昭慎重稟經飭據  
津海關道劉汝翼大沽水師船塢道員龔照璵等會同天津海防  
支應局司道督飭洋匠勘得該兵輪原用方式鍋鑪二座難於洗  
刷海水鹹碱日久鍋鑪均已鬆壞行駛外洋設遇風暴汽機不能  
得力難免意外之虞擬就原機改換圓式鍋鑪兩具將火切面加  
大客人進鍋刷洗不致破壞且新式鍋鑪尤能吸汽不特行駛迅

速兼耐風濤擊損計更換銅鑪配換龍骨暨底板銅皮並重起望  
臺舵樓及修理全船內外一切工料由船隔華洋員匠核實確估  
除工價毋庸另給外其需料價銀二萬七千九百四十二兩委係  
格外撙節並無絲毫浮濫該船修費向在津海關洋藥釐金項下  
動撥該關現因藥釐收數短絀應撥洋款息銀尙屬不敷動支此  
項修費無款可籌該兵輪常年巡防轉運實與北洋海軍各船無  
異祇以非洋防費均有額支指款且各省關解難足數無可騰挪  
查天津抽收百貨釐金一項雖先儘各海口防營修建礮臺營壘  
等項工程之用近年添撥別款亦復時形竭蹶第該兵輪既爲北  
洋巡防攸關不得不移緩就急設法勻籌在於釐金項下照數動  
撥銀二萬七千九百四十二兩給領藉資要工等情具詳請奏前  
來臣覆核無異除飭令動支安速修理並俟工竣彙入釐金收支

案內核實造報外理合附片陳明伏乞  
聖鑒敕部查照謹  
奏

捐解豫賑片

光緒十五年十二月二十二日

再前因河南黃水爲災賑款繁鉅准撫臣倪文蔚咨函商懇勸捐  
經臣倡率官紳商富量力輸將照章統按五成實銀上兌由直刊  
刷實收徑行咨部核獎已將上年五月以前收過豫賑應獎銀數  
奏報在案其自上年六月起至十二月停捐止續又捐收豫賑銀  
三千七百餘兩統計先後捐解過實銀四萬四千兩據籌賑局具  
詳前來除飭取捐生履歷由直核明分批徑行咨部核獎其有捐  
數較鉅專案奏獎者照數扣除外所有直隸省捐解豫賑應獎銀  
數理合附片具陳伏乞  
聖鑒敕部查照謹

奏

覆奏各軍營規指

光緒十五年十二月十八日

奏為北洋淮軍練軍留防馬步水師各營統領營官銜名及兵勇數目駐防處所遵

旨繕單恭摺仰祈

聖鑒事竊臣接准兵部咨開光緒十五年十月二十八日奉

上諭軍務平定以來各直省設立防營朝廷歲糜巨帑不知凡幾各營勇額糧餉必應事事覈實方足以鼓勵軍心近聞營中惡習往往虛冒額數剋扣餉項統領營官貪尊處優並不時時操練一切廢弛情形幾與從前綠營積弊相等殊堪痛恨著各該將軍督撫將該省現有各營隨時嚴查如有前項情弊即行嚴參治罪至各營駐紮處所及管帶銜名兵勇數目疊經該部奏准通飭一一咨報各省視為具文總未能據實開報著自接奉此旨後限於兩

月內一律開單詳晰具奏以備稽核如有更換管帶員弁或移紮他處並著隨時奏聞等因欽此仰見

聖主慎重要防實事求是之至意伏查直隸爲

畿輔重地北洋係渤海要區東西洋各國環伺隘口旣多地面尤廣防務倍宜嚴密以壯聲勢而固本根是以將淮軍練軍及留防馬步水師各營分布直隸天津大沽北塘蘆臺山海關古北口多倫獨石口庫倫宣化大名正定保定並奉天之大連灣旅順口山東之威海衛沿海沿邊內地等處扼要駐紮聯絡一氣顧飭各統領管帶認真督率仿照西洋兵法講求利器勤加操練務須一兵得一兵之用庶幾有備無虞潛消覬覦各軍巡防之暇凡修築礮臺營壘挑挖河道開墾屯田靡不踴躍興作未嘗略有懈怠該統領營官皆臣舊部從征最久經臣朝夕中儆均知廉潔自愛習勞

耐苦尙無驕惰積習虛冒情弊茲復欽承

諭旨白當通飭各營將領倍加悚惕於操練陣技精益求精慎益加慎並恪遵

聖訓隨時嚴查實力整頓倘有怠惰廢弛虛冒剋扣情事必當據實嚴參治罪不敢稍涉徇縱至各軍統領營哨銜名兵勇總數駐防處所歷經遵照定章按年分季據實造冊咨報各部並軍機處備查在案現既欽奉

特旨飭查遵將淮練各軍統領營官銜名兵勇數目及駐紮處所開具簡明清單恭呈

御覽除仍照章按季造冊分咨各部軍機處嗣後遇有更換管帶或移紮他處隨時奏報外所有遵旨覆奏緣由理合恭摺具陳伏乞

皇上聖鑒謹

奏

卷之二十一

七



宋慶銷假片

光緒十五年十二月十八日

再統領毅軍四川提督宋慶前因積受風溼觸寒增劇經臣奏請  
賞假三箇月在營調理在案茲據該提督文稱現在假期已滿病  
仍未痊實緣年屆七旬驟難以藥餌見功自維受

恩深重一息尙存豈敢自耽暇逸況值歲暮防務尤嚴營中一切  
事宜均須自行清理現已力疾銷假等情前來臣查宋慶身經百  
戰屢殲巨寇勳勞最深調防旅順幾及十載海疆衝要深資鎮攝  
濱海氣候嚴冷頻年觸發舊疾勉力支拄十二年冬及今年秋均  
因發疾增劇請假調理並未離營茲當隆冬沍寒乃以操防重要  
力疾銷假尤爲深知緩急不辭勞瘁理合附片陳明伏乞

聖鑒謹

奏

機器局報銷摺

光緒十五年十二月十八日

奏為天津機器局光緒十三年分動用經費照章造冊報銷恭摺  
仰祈

聖鑒事竊照天津機器局經費奏明動撥津海東海兩關四成洋  
稅暨戶部月撥邊防餉銀截至光緒十二年分止業將收支款目  
造冊奏報經部核覆准銷並將十三年分支給薪工等款分別咨  
部立案茲據該局司道沈保靖等將十三年分應行造銷之冊分  
晰開報計上屆存銀十二萬七千五百一兩有奇本屆連閏十三  
箇月共收稅項部餉及各省撥還銀三十萬二百一兩有奇共計  
銷銀三十四萬五千九百六十六兩有奇應存銀八萬一千七百  
三十六兩有奇業經定購外洋器料並添建廠房工程動用應歸  
付清價腳及工竣之年報銷所有本屆應銷各款仍照向章各歸

各冊計全案收支總數及員弁司事夫役人等新工爲第一冊購辦物料續建工程及核付保險運腳等項爲第二冊收支物料分項造報用存物料作爲十四年分舊管爲第三冊製成軍火擬發各項爲第四冊外撥各船薪糧物料及行營製造局用料爲第五冊神機營撥用物料爲第六冊其製成軍火仍造冊咨送總理各國事務衙門備查至製造各項器物皆仿西洋新式難以例價相繩循照歷屆章程實用實銷詳請具奏前來臣查該局所呈各冊復加確核委係核實動用毫無浮冒北洋籌辦海防拱衛畿輔現當創立海軍凡鐵艦快船魚雷艇水雷營及各口礮臺陸軍應需軍火名目繁多均關緊要該局爲水陸各軍取給之源外省又時來請撥必須設法籌備惟應領部款前已停止僅指津東兩海關四成洋稅及海軍衙門撥給洋藥釐金時虞竭蹶現須添

造西洋新式長礮鋼彈新式栗色火藥雖海軍章程內奏明應另撥銀八萬兩因各省關解難足額無從勻撥經費實形支絀惟有暫飭局員就款撙節動用勉力支持冀免貽誤除將清冊分送總理衙門暨戶兵工三部查照外所有天津機器局光緒十三年動用經費造冊報銷緣由理合恭摺具

奏伏乞

皇上聖鑒謹

奏

李文忠公奏稿卷六十六